

# Solund SV – Valprogram 2023-27

SV vil jobbe for at Solund skal bli meir klimavennleg, berekraftig, rettferdig og solidarisk. Det trengs i ei tid der verda står ovanfor fleire store kriser: omfattande klimaendringar, tap av biologisk mangfald og natur, veksande sosial og økonomisk ulikskap, og ei internasjonal humanitær flyktningkrise. Vi skal tenke globalt og handle lokalt for å møte desse krisene.

Solund skal også vere ein god kommune å vakse opp og bu i, og det skal vere rom for alle. Vi vil ha ein kommune der alle kan lukkast, der ingen vert gjeve opp, og der dei som har mest bidrar meir til fellesskapet. Viktige tenester som skule, barnehage, helse, pleie og omsorg er vår felles velferd. Kvar krone vi puttar inn i desse tenestene må komme innbyggjarane til gode. Difor må dei òg i framtida drivast av kommunen, og ikkje av private. Vi må styrke tenestene, til det beste for oss alle.

Vi vil jobbe for eit opent og inkluderande Solund bygga på sterke fellesskap, små forskjellar og med auge og hjarte ope mot verda.

## Eit klimavennleg Solund

SV tar klimakrisa på alvor. Vi vil ha eit Solund med seriøs og ambisiøs klima- og energipolitikk som kutter klimagassutslepp utan å auke presset på naturområda. Vi treng tydelege planar om korleis vi kan redusere klimautslepp og samstundes ha naudsynt transport i lokalsamfunnet.

### SV vil:

- stille strenge klima- og miljøkrav til offentlege tenester og anbod.
- gjere kommunale bygg betre rusta for inn for solcellepanel og andre miljøvenlege løysingar
- bruke el-bilar og el-syklar i kommunen sine tenester.
- få på plass fleire ladestasjonar til el-bil.
- leggja betre til rette for gåande og syklande.
- 

## Eit berekraftig Solund

SV tar naturkrisa på alvor. Vi vil ha eit Solund som fortsatt har frisk luft, verna natur og friskt dyreliv, med ein ambisiøs politikk for vern av natur, berekraftig ressursbruk og opne opp for å gjere det enklare å regulere strandsone. Om snøggbåtstopp på Hardbakke, må ein sjå på korleis ein kan sette opp mikroturisme i form av dagsturar til Solund. Noreg har gjennom FN si naturavtale forplikta seg til å verne 30 prosent av all

natur, og 30 prosent av verdas hav, innsjøar og elver. Solund må ta si del av ansvaret.

### SV vil:

- gjere det enklare å regulere strandsone
- gjere det enklare å regulere bu- og driveplikt
- verne så mykje matjord som mogleg.
- styrke tiltaka mot marin forsøpling, og støtte strandryddingsprosjekt.
- vedlikehalde gjenvinningstilbod i regi av NGIR.
- sette opp fleire bosspann på offentlege stader, i strandlinja og i turområde.
- sette opp fleire grønne områder med leikeapparat, benker og plantar.
- snøggbåtstopp frå Hardbakke

## Eit rettferdig Solund

Solund skal vere ein god kommune å bu i. Då trengs god velferdspolitik som tar vare på innbyggjarane, og utjamnar sosiale forskjellar. Kvar krone som går til vår velferd skal kome innbyggjarane til gode. Difor går vi mot privatisering, og inn for å tilbakeføre allereie privatiserte tenester til kommunen. Der anbod må lysast ut, må kvalitet og lokalitet gis meir vekt enn pris. Kommunen er også ein stor arbeidsgjevar og kunde. Med det følger eit ansvar for god arbeidslivspolitik, og etisk handel som gir gode ringverknadar lokalt og globalt. SV vil også innføre ein rettferdig skatt på eigedom som styrker velferdstenestene, og jamnar ut sosiale forskjellar.

### SV vil:

- gå imot og reversere all privatisering av offentlege tenester.
- vektlegge kvalitet og lokalt tilhøyr meir enn pris der anbod må lysast ut.
- innføre progressiv skatt i næringsliv.
- at kommunen i hovudsak skal lyse ut heile og faste stillingar.
- løfte sosialhjelpssatsane opp til referansebudsjettet på SIFO-nivå.
- auke grunnbemanninga innan helse- og omsorgstenester.
- styrke vedlikehaldsarbeidet på kommunale bygg.
- Styrke opp under å handle mest mogleg lokalt

## Eit godt Solund å leve i

Gjennom eit godt og trygt barnehagetilbod, ei god skule og skulefritidsordningar som alle kan vere med på vil SV arbeide for at alle barn skal ha ein trygg barndom og gode oppvekstvilkår uavhengig av sosial bakgrunn. Alle barn må få oppleve meistring, tilhøyring og trivsel i kvardagen.

**SV vil:**

- tilsette fleire med spesialpedagogisk kompetanse i barnehagen og skulen.
- fjerne heimelekser frå grunnskulen.
- gje alle barn i grunnskulen eit gratis og næringsrikt måltid kvar skuledag.
- sikre gode uteområde i skulen.
- vedlikehalde helseordning i skulen med fleire heile stillingar.
- sikre gode norskkunnskapar i offentlege tenester.
- sikre fleire miljøterapeutar i skulen.
- sikre trygg skuleveg for alle barn, og skuleskyss der vegen ikkje er trygg.
- syte for at alle får tilstrekkeleg symjeopplæring.
- styrke bibliotekstilodet for barn og unge.
- støtte opp under eit ungdomshus med tilsette ungdomsarbeidarar.
- sikre ferietilbod for barn og ungdom, i samarbeid med frivillige organisasjonar.
- legge til rette for at alle barn kan delta på minst ein organisert fritidsaktivitet.
- støtte dei kommunale utlånsordningane for sports-, fritids- og friluftsutstyr.

## Eit Solund for alle

Solund skal vere ein kommune som er trygg og open for alle uavhengig av kven ein er, kven ein elsker eller kva funksjonsevne ein har. SV vil kjempe mot alle formar for diskriminering og rasisme. Solund skal også vere ein kommune der alle kan vere med på dei store avgjerdene. Då er det viktig at politikarane liknar på folk flest, og at innbyggjarane får betre moglegheiter til å delta i politiske prosessar.

**SV vil:**

- ta kampen mot all diskriminering og rasisme.
- støtte frivillige organisasjonar som vil arbeide med utsette grupper.
- betre bu- og støttetjenestene for valdsutsette.
- sikre universell utforming i alle kommunale bygg, både fysisk og IT.
- opprette bygdevekstråd for å få innbyggjarane sine innspel til korleis kommunen kan bli meir attraktiv å bu i og flytte til.

## Eit solidarisk Solund

Solund skal vere ein kommune med auge og hjarte ope mot verda. For første gang i historia er over 100 millionar menneskje fordrivne eller på flukt verda over. Vi har eit moralsk ansvar. For flyktingane som er meir redd for farane heime enn for å skulle krysse Middelhavet i gummibåtar. For ukrainarane som flukter frå Russland si brutale angrepskrig - den største av sitt slag i Europa sidan andre verdskrig. For dei som lever i krigsområde eller under brutal okkupasjon.

**SV vil:**

- ta imot fleire menneskje på flukt.
- auke støtta til frivillige prosjekt for flyktningar og asylsøkarar.
- sikre nødvendig helsehjelp til papirlause.
- at kommunen ikkje skal handle med aktørar som opererer på okkupert jord eller i strid med menneskerettane.